

富陽縣志

第一冊



11-12

11-12

11-12 11-12

士915.319

7169

同治丙寅重刊

當田陽縣志

板藏考棚

原序

粵自列侯貢俗太史觀風方陳輿獻上之天  
府歷三代漢唐以迄今茲代有成書凡山川  
之勝方物之殊人情土俗之消漓詰士賢臣  
之出處以及政賦傳教之繁簡盛衰靡不具  
載所以詳攷稽資治也我

朝定鼎後興學崇文廿餘年來博求典籍其於  
天下之志乘一書不啻勤勤勸纂矣然或海

當陽縣志

卷首

序

溼山陬篇殘簡斷續先啟後必待其人予茲  
讀當邑一志而有感焉予以巳酉季夏銓授  
當陽即聞吾鄉游楚者道邑荒疲狀謂彈丸  
僻邑萬山交錯加以兵燹之後士蕪人稀咸  
爲予難之予曰士人服古人官行吾志焉爾  
敢與地方爭難易哉及乎捧符就道叱馭星  
馳履境之初憑車流覽遠望玉泉紫蓋諸峰  
鬱蒼綿互近漱沮漳消溪諸水澄澈縈環雖

凋敝之遺村煙落落而民風涓樸易於爲治  
固不得以彈丸視之矣莅任後適值 上憲  
檄徵邑志乃知邑志尙無成書所存斷簡殘  
篇方經攝篆 婁公與邑之薦紳碩彥遠蒐  
近輯搦管成帙授之梓而未告竣也亟取藁  
本披讀則見夫山川紀也方物詳也名臣大  
儒文章政教悉班班可攷也纖巨靡遺瞭如  
指掌矧其間摛詞簡雅寓意風規足爲千百

世之鑒觀所謂續先啟後必待其人者婁公  
與邑紳其攸歸與諸君子任其勞予竊享其  
逸矣雖然予之所應爲者諸君子有以先之  
諸君子之欲爲而未逮者予安可不有以助  
之學宮之傾圮未修也城垣樓櫓之敝缺未  
補也武安文定諸名蹟炳炳麟麟皆未能輪  
奐聿觀也從此漸次整理俾廢者俱興誠守  
土者之責也予敢不勉與

康熙九年歲在庚戌仲春月

賜進士出身知當陽縣事古任城李芳佳木氏撰

當陽縣志

卷首

序

三

當陽縣志序

當陽古權國余向應春官試北上道經斯地者三見其山川秀麗風俗敦龐因意其中名臣碩儒政事文章與夫忠孝節烈之人瑰異奇特之行必有卓卓堪紀者惜不獲披覽邑乘一印證之歲辛亥適奉

命承乏茲土亟取邑志閱之炳炳麟麟垂光簡册者不一而足深喜符吾向者所意考此志

當陽縣志

卷首序

四

成於康熙八年距今百餘歲矣

聖天子文教覃敷海隅咸若斯邑雖僻處山陬雲

蒸霞蔚而起者即名區不過焉百年未輯殊爲闕典余有志纂修而未逮也會壬子大憲彙修楚北通志檄縣採訪事實以備編輯沂陽童君隨以儒學所藏續修志稿進凡所紀述頗爲整理但其中外譌遺漏亦復不少因集薦紳者彥設館迴峰書院往來商榷

取舊稿釐定之分門別類刪其太繁補所未備雖拘文牽義難言美善而微顯闡幽片長不遺且一爲披覽而吏治民風治亂得失瞭若指掌官斯土者即此因地制宜不亦可攬其全而裕如乎今夏帙成都人士索序於余余回憶向時道經此地一過客耳豈料即是邑之主人哉此中不無宿緣焉因不揣固陋而序之

乾隆甲寅夏五古賓黃仁題於玉陽官署之款洽軒

序

國朝當陽縣志自康熙八年煥然一新然明季餘氛未靖士庶未盡還集採訪雖周不無脫漏越

今上戊寅歲前侯 苗公率邑先輩博搜密訂已

臻大備未幾他遷不及授梓已酉 齋奉

命司鐸於茲蒞任後簡閱書籍得底抄讀之喜

且懼謂一經蠹蝕必遺他年亥豕之譌因論

當陽縣志卷首序

六

同學諸公勉其續纂成書適 制憲畢公督修省志引下數學署隨攜抄本白明府 黃公公慨然以爲任召集邑紳諸先生囑其事增於後文酌於前以勦其成因以總理之任屬 齋固辭不獲命勉應之然實仗 賢侯之明斷與諸公之直方其所是者進之非者退之不敢與以己見昔孔子成春秋於義尚曰竊取矧謏陋如 齋敢以筆削自多乎哉準是

非之公而已是爲序

乾隆五十九年歲次甲寅夏五新陽童重巒撰

當陽縣志

卷首

序

七

續修當陽縣志序

恩光 篆當陽兩稔於茲既周行四境察其地勢西北高而東南下西北多連山東南多平原廣野沮漳襟帶其間合流下入大江遇漲或江水盛溢則沮漳遏不得出往往潰決氾濫隴畝化爲沮洳 恩光 乃勸督居民繕修隄防期以堅厚令下皆踴躍趨事隄成而昏墊息又以其暇籌增書院膏火凡有修舉不敢

廢墜士民益翕然信從今年連奉 臺使檄催修邑志遂取舊籍檢之蓋有二本曰舊志者修於康熙時曰續舊志者修於乾隆末今曠七八十載未有增輯於是延都人士之淹雅端亮者分任采訪考輯而 恩光 商榷編次徵引舊志比附近事稍創體例定爲類若干爲卷若干惟是山中書缺有間故老率多零落諏稽蒐討病不廣遍彙成未敢自是質之

年丈監利王子壽比部然後授梓僉謂恩光  
宜爲之序則論之曰志於邑無所不載顧有  
體焉繁則寡要簡又近略欲斟酌而歸於至  
當難矣然尤貴乎其識今夫當邑介居荆襄  
郢峽間南北衝要爲兵家所必爭自春秋三  
國至

昭代開國之初暨嘉慶咸豐間盜賊出沒邑最苦  
蹂躪今幸

當陽縣志

卷首序

九

朝廷威稜震疊烽燧已消然豫防不可弛也瀕川  
之民託命惟隄桑土綢繆未遂高枕無虞也  
若夫閭閻利病政令教條所設施有百年不  
變者有數年輒變者有一年數變者不審其  
宜則輕改與膠固兩失之至如簪纓甲第之  
蔚興貞廉節義之相望雖清淑萃鍾人爭砥  
礪抑豈非賢長吏興起教化風動而鼓舞之  
效與凡若此類筆之於書來者考鏡得所率

循所謂前事之不忘後事之師也由是言之  
則志不徒恃其體而又貴善用其識恩光治  
行無足稱述第念夙奉先相國訓誨及  
家大人教迪一行作吏不敢不勉又適遇茲  
役思藉手爲來者告且答父老勤勤見推之  
意故謹舉其大且遠者次第紀載而其他則  
有所不暇書

同治五年歲在丙寅孟秋月知當陽縣事儀

當陽縣志

卷首

序

十

徵阮恩光撰

續修當陽邑志序

曩者柏心嘗驅車至玉陽矣其境南連吾郡

西直夷陵北走襄鄧東襟郊郢竟陵沮漳二川縈回如雙練岡巒迤邐原隰龍鱗桑麻布野略似豫州風景及覽其城郭之峻整學宮試院之閎邃又與其邦人士遊皆彬彬然尚文學崇禮讓竊歎壯哉縣而風氣愿慤可喜也時方兵後求觀邑志不可得今年冬

當陽縣志

卷首

序

十一

邑侯

孝通明府以書來郵其手纂志乘云奉檄續修凡若干卷屬加商榷且徵序焉蓋當陽志一修於康熙時再修於乾隆末今且三矣急發藁本繹之義例謹嚴詞氣淵雅不以繁博是務而徵引皆有典據不以新僻是誇而包舉極於宏纖大旨因舊志所網羅加以哀輯稍變其門類確然可爲信史也柏心竊惟方

志之興肇於周官土訓誦訓與形方訓方諸  
職凡一邑中山川險易田賦高下政事修墜  
風俗奢儉物產饒瘠與夫官吏士女之偉績  
高行莫不備載非以馳騁淹洽爲夸炫耳目  
地蓋將以懸古今之鏡著得失之林使後來  
有所取法如射立儀的車循軌轍若是乃爲  
善耳然而有三患患例之冗也詞之野也紀  
述之失倫也夫志體同於史者什九特其大

要主綜核不主褒譏稍爲同中之異綜核矣  
又無三者之患然後號爲良史而不媿今觀  
茲志庶幾良史遺風乎 明府爲儀徵  
相國之孫 賜卿太守之令子文學淵源紹  
聞有自宜其深明著作之體權篆甫二載惠  
愛洽於四境隄防賓興諸務尤汲汲修舉不  
遺餘力茲復蒐考文獻勒爲一書悉本典則  
不獨風流爾雅近古儒吏又以知其通達治

體才足經方致遠將起而任

朝廷簡擢膺股肱方岳之選非但區區以一邑報稱者因不辭而僭序諸首簡

賜進士出身

誥授奉直大夫刑部廣西司主事年世愚弟王柏  
心拜撰

當陽縣志

卷首序

三

續修當陽縣志序

志者一邑之史也歷代史冊如天文地理之類有關於考據者則謂之志

國朝一統志及直省通志依次編集要皆聚邑志而掇其精華則邑志較通志爲加詳有不得不詳者也當邑本荆楚域山川秀麗甲於荆南至其民風醕樸易於爲治尤非他邑所能及余自己未夏莅任茲土下車伊始亟取

舊志披讀以考厥源流大率體例悉備而近事則多闕文蓋自乾隆甲寅重修後閱七十餘年中間湮沒爲不少也越明年會邑紳商摧謀所以續修此志者徧加採訪得十餘帙公餘有暇將加編次旋以軍需旁午民力不支未敢率爾舉行嗣余調任沙羨未幾出守燕南僕僕風塵此舉更無從過問私衷常耿耿也頃得邑侯阮孝通明府書云奉檄續

修邑乘今脫稿矣俟就正於監利比部王  
子壽先生即付劄劄分編者爲袁廉叔鄧石  
雲兩明經皆余同年友曩所共商推者且以  
余曾加採訪囑余爲之序噫此固余有志未  
逮者也得明府以玉成之夫復何憾明府爲  
儀徵相國文達公之孫今太守賜卿  
先生之冢嗣也家學淵源政聲卓著本楚中  
循良冠冕今此手編邑乘必能萃擷經史周

諮博考以彙爲成書更非余所能企及余既  
不獲贊襄其事猶得郵寄一言附諸簡端以  
留爲雪中鴻爪且與此邦人士結一重翰墨  
緣也是爲序

同治五年歲在丙寅仲春月知直隸順德府  
事宜興任道鎔撰